

Namołwa němskich biskopow k póstnej akciji Misereor 2020

Lube sotry a lubi bratřa,

„Spožcej pokoj!“ – tale namołwa charakterizuje lětušu póstnu akciju Misereor.

W Němskej smy mjeztym 75 lět w měrje žiwi. Bohu budź džak! Tola na měr nimaš njewobmjezowane prawo na garantiju. My ludžo dyrbimy so přeco zaso wo njón prócować, jón sej znowa wudobyć a ze žiwjenjom pjelnić. To płaći w Europje kaž na swěće.

We wójnje w Syriskej, kotraž hižo dlěje hač wosom lět traje, je hižo 500.000 ludži swoje žiwjenje přisadziło. Pytajo za wěstotu a schowom je wjace hač 5,5 milionow Syričanow swój kraj wopuściło, dalších 6,5 milionow sta so z wuhnatymi w swójškim kraju.

Misereor pomha w Syriskej a wokolnych krajach nuzu pomjeńšić a přinošuje wažnje k tomu, zo by so měrliwa zhromadnosć w tutym regionje zaso natwarić móhła. K tomu su kubłanje, zakładne poslužby strowotnistwa a psychosocialny přewod njeparujomne. Mnozy trawmatizowani ludžo dyrbja swoje nazhonjenja namócnosće předžělać, zo bychu zaso mocy k zmištrowanju swójeho wšědneho dnja čerpać a swój wid na přichod wusměrić móhli. Zwólniwosć k wujednanju a dowěra matej znowa rosc.

„Spožcej pokoj!“ Tute hesło woła nas wšitkich k jednanju. My biskopja prosymy Was: Njesće poselstwo pokoja póstneje akcije do swojeje wosady! Podpěrajće wopory wójnow ze swojim modlenjom a měrowe džěto cyrkwy z wulkomyslnym darom.

W Fuldze, 26. septembra 2019

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop

Tale namołwa měješe so poprawom štwórtu póstnu njedzelu, 22. měrca, na wšěch Božich službach přednjesć. Dokelž pak njeje to hladajo na tuchwilnu situaciju coronoweho wirusa dla móžno a dokelž njemóže so zběrka njedzelu, 29. měrca, na Božich službach přewjesć, je tule kontowe čisło biskopskeho skutka **Misereor** pola Pax-Bank w Aachenje podate: **IBAN: DE75 3706 0193 0000 1010 10**. Tam móža wěriwi swój dar pod hesłom „Fastenaktion 2020“ přepokazać.